



IMYAKA

19 Y'UBUFATANYE MU BIKORWA BYO KUBUNGABUNGA UMUTEKANO NO GUTEZA IMBERE IMIBEREHO MYIZA Y'ABATURAGE







"Polisi ubwayo, nta byinshi ishobora kugeraho
onyine, akazi ka Polisi kagenda neza
kurusha iyo polisi ifatanyije n'abanyarwanda
n'abaturarwanda"

Nyakubahwa Perezida wa Repubulika
Paul Kagame

UBUYOBIZI BWA POLISI Y'U RWANDA



Nyakubaha Minisitiri w'ubutabera
akaba n'intumwa nkuru ya Leta-
Johnston BUSINGYE



DCG Dan Munyuza
IGP



DCG Juvenal Marizamunda
DIGP - Administration
& Personnel



CP Felix Namuhoranye
DIGP - Operations

ISHAKIRO

- Polisi y'u Rwanda: Imyaka 19 y'ubufatanye mu mutekano
no guteza imbere imibereho myiza y'abaturage.....Pg 7
- Polisi y'u Rwanda yubakiye amazu Abaturage 30 batishoboyePg 11
- Sobanukirwa gahunda ya Gerayo Amahoro.....Pg14
- Gishari: Abakozi 57 bo mu nzego zicunga umutekano basoje
amahugurwa yo kurwanya inkongi z'umuriro.....Pg18
- Kwakira neza abaturage ni imwe mu ndangagaciro zituranga...Pg 19
- Abarenga 1300 basoje amasomo abinjiza muri Polisi y'u Rwanda ... Pg 20
- Mu ishuri rikuru rya Polisi habereye inama yiga ku mahoro, umutekano
n'ubutabera.....Pg 22
- Abayobozi b'imitwe ya Polisi ya LONI bemeranyijwe kwegereza
abaturage umutekano n'iterambere..... Pg 24
- Polisi y'u Rwanda yasoje ibikorwa byo kubungabunga amahoro yakoreraga
mu gihugu cya Haiti pg25
- Mu marushwana ya EAPCCO u Rwanda rwegukanye imidali 46 ...Pg27

Ijambo ry'ibanze

Hashize imyaka 19 Polisi ikorana n'abaturage muri gahunda zitandukanye zirimo izo kwicungira umutekano n'izigamije iterambere.

Ni muri urwo rwego Polisi yagiye yunguka abafatanyabikorwa barimo abambasaderi ba Polisi mu gukumira no kurwanya ibyaha (Police Ambassadors), komite zo kwicungira umutekano, urubyiruko rw'abakorerabushake n'abandi baturarwanda bakorana na Polisi mu bikorwa byo gucunga umutekano n'ibigamije iterambere ry'umuturage.

Muri uyu mwaka wa 2019 Polisi y'u Rwanda n'abafatanyabikorwa bayo, tariki ya 15 Nyakanga batangije gahunda y'ukwezi kwahariwe ibikorwa bya Polisi, aho byatangiye hubakwa ibiro by'imidugudu itandatatu y'indashyikirwa mu gukumira ibyaha, inzu imwe y'utishoboye muri buri karere, gucanira imiryango ibihumbi bitatu umuriro ukomoka ku mirasire y'izuba, kwishyurira imiryango ibihumbi bitatu itishoboye ubwisungane mu kwivuza n'ibindi bikorwa bigamije iterambere n'imibereho myiza y'abaturage.

Muri uku kwezi abaturage basabwe kurwanya no gukumira ibiyobyabwenge birinda kuba ba ntibindeba bagatanga amakuru kubabicuruza ndetse n'ababikoresha kuko bigira uruhare runini mu guhungabanya umutekano.

Abaturage kandi bibukijwe ingaruka z'ihihoterwa n'inda ziterwa abana binyuze mu mahugurwa yagiye atangwa na Polisi n'abafatanyabikorwa bayo hirya no hino mu gihugu. Basabwe kuryirinda no kurikumira kuko ari inzitizi ku iterambere ry'umuryango n'igihugu muri rusange.

Ibikorwa byo kubungabunga ibidukikije nabyo byagarutsweho muri uku kwezi kwahariwe ibikorwa bya Polisi. Abaturage bashishikarijwe kubungabunga ibidukikije barwanya icyo aricyo cyose cyagira uruhare mu guhumanya umwuka mwiza abantu n'inyamaswa bakoresha mu guhumeka.

Hirya no hino mu gihugu kandi abaturage bakanguriwe kubungabunga umutekano wo mu muhanda, baba abanyamaguru n'abakoresha ibinyabiziga bitandukanye, aho bagaragarijwe uruhare bafite mu gutuma impanuka zitwara ubuzima bw'abantu abandi zikabasigira ubumugaga zigabanuka. Abagenzi banasabwe kujya batanga amakuru mu gihe babonye umuyobozi w'ikinyabiziga akora amakosa ashobora kubateza impanuka.

ABAGIZE UBWANDITSI BW' IKINYAMAKURU

Umwanditsi Mukuru
CP JB Kabera

Abagize inama y'ubwanditsi
CP Bruce Munyambo
ACP Celestin Twahirwa
ACP Lynder Nkuranga

**Umuyamabanga
w'Ubwanditsi**
AIP E Ndayisaba
Graphic Designer
AIP JP N. MUHIZI
Babirye Joy

Abanyamakuru
AIP JB Bayingana
AIP E Ndayisaba
AIP L Semavenge
Photographer
IP Umunezero Jackson
SGT Tunezerwe Aimable

Copyright 2019
Polisi y'u Rwanda

Polisi y'u Rwanda: Imyaka 19 y'ubufatanye mu mutekano no guteza imbere imibereho myiza y'abaturage



Minisitiri w'Ubutabera akaba n'Intumwa Nkuru ya leta Johnston BUSINGYE

Tariki ya 17 Kanama 2019, Polisi y'u Rwanda (RNP) yasoje ukwezi kwhariwe ibikorwa bya Polisi kwa 2019 ku nsanganyamatsiko igira iti : "Imyaka 19 y'ubufatanye mu bikorwa byo kubungabunga umutekano no guteza imbere imibereho myiza y'abaturage."

Ibikorwa by'iterambere byagezweho mu gihe cy'ukwezi byibizane ku gufasha imiryango, gushyigikira uruhare rw'abaturage mu bikorwa byo kwicungira umutekano ndetse n'ubukangurambaga ku byaha bigira ingaruka ku buzima bwabo.

Uku kwezi ngarukamwaka gushimangira gahunda y'iterambere ry'Ighugu n'ubufatanye hagati ya Polisi

y'u Rwanda n'abaturage mu kugaragaza ibaha, kubirwanya no kubikumira.

Ibyakozwe guhera tariki ya 15 Nyakanga 2019 birimo inzu 30 Zubakiwe abatishoboye (imwe muri buri karere), n'ibiro by'imidugudu 6 itaragaragayemo ibaha ndetse inyubako zose zashyizwemo amashanyarazi akomoka ku mirasire y'izuba.

Polisi y'u Rwanda kandi yahaye ingo 3,000 amashanyarazi akomoka ku mirasire y'izuba, yishyurira ubwisingane mu kwivuza bw'umwaka wa 2019/2020 indi miryango 3,000 n'abapolisi barenga 1,000 batabara imbabare bafashisha amaraso.

Umuhango wo gusoza Ukwazi kwhariwe ibikorwa bya Polisi waranzwe no gushyikiriza imiryango itishoboye inzu 30 zuzuye mu gihugu hose.

Minisitiri w'Ubutabera akaba n'Intumwa Nkuru ya Leta Johnston Busingye, ubwo yashyikiriza inzu umugenerwabikorwa wo mu karere ka Gicumbi, yagize ati: "Imyaka 19 Polisi y'u Rwanda imaze ikorera abaturage ntiyabaye imfabusa, ubu dufite Igihugu cyiza kandi gitekanye, ibi byose biva k'ubufatanye n'abaturage n'izindi nzego za Leta n'iz'abikorera."

Yakomeje avuga ko ubu bufatanye bw'inzezo zose n'abaturage bushingiye ku miyoborere myiza igamije kuzamura imibereho myiza y'Abanyarwanda. Yongeyeho ko umutekano ari inkingi ya mwamba y'iterambere ry'Ighugu n'imibereho myiza y'abaturage.

Umuyobozi wa Polisi y'u Rwanda IGP Dan Munyuza, na we yagize ati: "Ubufatanye buhamye bwa Polisi n'abaturage ni intandaro yo kubona imidugudu itarangwamo ibyaha, umutekano n'amahoro igihugu kishimira uyu munsi. Turashimangira iyi mikoranire ngo imiryango yacu irusheho kubaho neza."

Yakomeje agira ati: "Gucunga umutekano ni igikorwa cyagutse, kuba umukene bisobanuye kubaho udatekanye. Polisi ishyira imbaraga mu mutekano w'abantu ikanashyigikira gahunda z'iterambere ry'Ighugu binyuze mu guhindura imibereho y'abanyarwanda no gukemura n'ibindi bibazo byakurura ibyaha n'umutekano muke."

IGP Munyuza yagarutse no ku ruhare rw'abaturage mu kurwanya ibiyobyabwenge, kurwanya ihohoterwa rishingiye ku gitsina n'irikorerwa abana, ruswa, inda ziterwa abangavu, icuruzwa ry'abantu n'ibindi.

ICYUMWERU CYA KABIRI: Kurwanya ihohoterwa rishingiye ku gitsina n'inda ziterwa abangavu

Icyumweru cya kabiri kibande ku bukangurambaga bwo kurwanya ihohoterwa rishingiye ku gitsina n'inda ziterwa abana aho Polisi y'u Rwanda n'abafatanyabikorwa bayo mu butabera, mu buzima ndetse n'inzego z'ubuyobozi batanze ubujyanama n'ubuvuzi ku bangavu batewe inda ndetse n'abakorewe ihohoterwa mu mavuriro yihariye mu gihugu.

Abangavu bagera kuri 230 babyaye, bashishikariwe kwandikisha abana babo ndetse k'ubufatanye n'abafatanyabikorwa ba Polisi mu butabera, hakiriwe ibirego by'abakekwaho ihohoterwa rishingiye ku gitsina n'irakorewe abana.



Minisitiri w'Ubutegetsi bw'Ighugu Prof. Anastase Shyaka ashyikiriza imfunguzo z'imodoka Umunyamabanga Nshingwabikorwa w'Umurenge wa Kimironko Mapambano Nyiridandi



ICYUMWERU CYA GATATU: Kubungabunga ibidukikije

Icyumweru cya Gatatu kibanje ku kubungabunga ibidukikije, kwirinda ibyanduza umutungo kamere ndetse n'ubukangurambaga bugamije gufasha rubanda guhindura imyuminire ku bijyanye no kubungabunga ibidukikije.

Nanone hibanzwe ku gupima imyotsi isohorwa n'imodoka no gutanga ubutumwa bujyanye no kurwanya abanduza ibidukikije. Abatuye mu manegeka no mu bishanga nabo basobanuriwe ububi bwabyo, banasabwa kwimukira ahantu hatekanye kurushaho, ari na ko hasobanurwa amategeko n'ingamba byashyiriweho kurengera ibidukikije.

Hakozwe umukwabu wo guca amasashi mu gihugu hose, cyane cyane mu mijyi, santeri z'ubucuruzi no ku mipaka, hafatwa ibihumbi by'amapaki yayo bamwe mu bayacuruzaga n'abayapfunyikiragamo abakirya bagirwa inama yo kutazongera kuyakoresha.

Nk'uko bitangazwa n'Ishami ry'Umuryango w'Abibumbye ryita ku buzima (WHO), kutabona umwuka uhagije ni kimwe mu bibangamiye ubuzima n'ibidukikije. Iri shami ritangaza ko uyu munsi 90% by'abaturage bahumeka umwuka wanduye kandi ku Isi abagera kuri miliyonu 7 bicwa no guhumeka umwuka mubi buri mwaka.

Minisitiri w'Abakozi ba Leta n'Umurimo Rwanyindo Fanfan, Guverineri Fred Mufurukye na DIGP Juvenal Marizamunda batangiza ukwezi kwahariwe Ibikorwa bya Polisi mu Karere ka Ngoma

Ibyotsi biva mu modoka biza mu byanduza umwuka abantu bahumeka ku rwego rwo hejuru, aho ubwikorezi buri ku isonga mu gukwiza imyuka ihumanya ikanatera ihindagurika ry'ihihe.

Mu guhangana n'icyo kibazo, hashyizweho serivisi yo gupima uko imodoka zisohora ibyotsi.

UBUKANGURAMBAGA BW'UMUTEKANO N'ISUKU

Icyumweru cyahariwe kubungabunga ibidukikije cyarangiye hanasozwa icyiciro cya 8 cy'ubufatanye bwa Polisi n'Umujyi wa Kigali mu bukangurambaga bw'Umutekano n'Isuku bugamije kwimakaza umujyi utekanye, usukuye kandi utangiza ibidukikije.

Mu gusoza ubwo bukangurambaga bwamaze amezi atandatu, Minisitiri w'Ubutegetsi bw'Igihugu Prof. Anastase Shyaka, yavuze ko bwatanze umusaruro ufatika mu bijyanye n'umutekano n'isuku mu mujyi, asaba ko bwakorwa no mu bindi bice by'Igihugu.

Yagize ati: "Insanganyamatsiko ivuga ngo Guharanira ko Kigali ihora isukuye, ikeye kandi itekanye, ni

ubukangurambaga bukwiye kwagurwa bukaba u Rwanda ruhora rusukuye, rukeye, kandi rutekanye, tuzabashyigikira."

Yakomeje avuga ko ubu bufatanye bwagize uruhare rukomeye mu guhindura Kigali umwe mu mijyi isukuye kandi itekanye ku Isi.

Yashimye uruhare rw'abatuye mu mujyi n'inzezo z'ibanke muri ubwo bukangurambaga, asaba inzezo zikiri inyuma kwigira ku bandi kugira ngo zigere ku rwego rukanewe mu mutekano n'iterambere.

Ubukangurambaga ku mutekano n'isuku ndetse n'amarushanwa ajyana na bwo, byakwijwe mu nzego z'ibanke zose mu gihugu.

Abakoze neza barahembwe

Umurenge wa Kimironko wahize indi mirenge y'Umujyi wa Kigali uhabwa igikombe, icyemezo cy'ishimwe ndetse n'imodoka yo mu bwoko bwa Mahindra. Umurenge wa Muhima, Nyarugenge, Remera na Kacyiru yaje muri itanu ya mbere muri icyo cyiciro cya 8 cy'ubukangurambaga ku mutekano n'isuku.



Umunyamabanga wa Leta muri Minisiteri y'ubuzima Dr Patrick Ndimubanzi na Guverineri w'Intara y'Amajyaruguru Jean Marie Vianney Gatabazi batangiza ukwezi kwahariwe ibikorwa bya Polisi mu Karere ka Burera

ICYUMWERU CYA KANE: Umutekano wo mu muhanda

Icyumweru cya kane cyaranze n'ubukangurambaga ku mutekano wo mu muhanda. Polisi n'abafatanyabikorwa batandukanye bigishije banakora ubukangurambaga ku buryo bwiza bwo gukoresha neza umuhanda mu byiciro bitandukanye by'abagenzi mu kugabanya imfu ziterwa n'impanuka.

Higishijwe amatsinda y'abamotari, abashoferi batwara imodoka ntoy a zitwara abagenzi, abatwara amakamy, abakorera kompanyi zitwara abagenzi ndetse n'abanyamaguru barimo n'abanyeshuri. Icyumweru cya kane nacyo cyahuriranye n'ubukangurambaga bw'ibyumweru 52 bwiswe "Gerayo Amahoro" bwatangijwe muri Gicurasi uyu mwaka, bugamije guhindura imymvire mu gukurikiza amategeko y'umuhandza, cyane ko impanuka nyinshi ziterwa n'imiyitwarire idahwitse y'abagenzi mu muhanda.





**Semikizi Kayonga utuye mu murenge wa Mutete yashyikirije
inzu yubakiwe na Polisi y'u Rwanda**

Ubufatanye bwa Polisi n'abaturage

"Ubufatanye bwa Polisi n'abaturage (Community Policing)" ni igikorwa gishingiye ku bufatanye buhoraho bwa Polisi n'abaturage; kigizwe n'ibyiciro bihuza ubukangurambaga bwo

gukumira ibyaha no kubirwanya. Ibi bifasha kunoza imibereho y'abaturage kuko bagira uruhare mu kwikemurira ibibazo byakabaye bibabuza umutekano cyangwa bikabagusha mu byaha.

Iyi gahunda yashyizweho na Polisi y'u Rwanda igendera ku mahame akurikira: ubutabera no kubahiriza uburenganzira bwa muntu, kubahiriza uburinganire, ubunyangamugayo, gukorera hamwe, ubusabane, kubahiriza inshigano, imibanire n'ubufatanye bw'abaturage, ubunyamwuga n'ubudakemwa.

Guhera mu mwaka w' 2000 ubwo yashingwaga, Polisi y'u Rwanda yagiye yagura uburyo bw'itumanaho bufasha guhanahana amakuru, burimo imbuga nkoranyambaga, ibitangazamakuru by'amajwi n'ibyandika, imirongo itishyurwa ihamagarwa n'abakeneye ubatabazi bwihuse, ishingwa ry'abakorerabushake mu kurwanya ibyaha barimo urubyiruko 260, 000, ba Ambasaderi mu kurwanya ibyaha, Community Policing Committees (CPCs) 150,000, n'amatsinda yo kurwanya ibyaha arenga 2,000 abarizwa mu mashuri, mu mashyirahamwe y'abatwara abagenzi, abanyamakuru, abahanzi, mu miryango y'ivugabutumwa ndetse no mu nzego za Leta n'iz'abikorera zasinyanye amasezerano na Polisi y'u Rwanda.

Polisi y'u Rwanda yizera idashidikanya ko uruhare rw'abaturage mu kubungabunga no gusigasira umutekano ari umusingi wo kubaka ubufatanye buhamye mu kurwanya ibyaha, no gushyigikira imiryango na gahunda z'iterambere rirambye.

Raporu zitandukanye zakozwe ku mutekano mu gihugu no ku rwego mpuzamahanga zigaragaza u Rwanda nka kimwe mu bihugu bitekanye cyane ku Isi, bikaba ari umusaruro w'ubwo bufatanye bwa Polisi n'abaturage, inzego za Leta n'iz'abikorera zirangajwe imbere n'ubuyobozi bufite icyerekezo.

**“Insanganyamatsiko
ivuga ngo Guharanira
ko Kigali ihora isukuye,
ikeye kandi itekanye, ni
ubukangurambaga bukwiye
kwagurwa bukaba u
Rwanda ruhora rusukuye,
rukeye, kandi rutekanye,
tuzabashyigikira.”**

POLISI Y'U RWANDA YUBAKIYE AMAZU 30 ABATURAGE BATISHOBOYE





CP George Rumanzi afungura inzu Polisi yubakiye umuturage mu Karere ka Gasabo



CP Vianney Nshimiyimana ari kumwe n'umuyobozi w'Intara y'Iburasirazuba Mufurukye Fred bashyikiriza umuturage inzu yubakiwe na Polisi mu karere ka Nyagatare



CP Dr. D NYAMWASA ari mugikorwa cyo gutanga amashanyarazi mu kwezi kwahariwe ibikorwa bya Polisi y'u Rwanda





OBANUKIRWA GAHUNDA YA GERAYO AMAHORO

Gahunda ya gerayo amahoro ni ubukangurambaga buzamara ibumweru 52 bwatangijwe na Polisi y'u Rwanda n'abafatanyabikorwa batandukanye barimo inzego za leta n'abikorera aho bugamije kwigisha no guhugura ibyiciro byose by'abakoresha umuhanda imiyitwarire n'amategeko awugenga mu rwego rwo gukumira impanuka zikomeje gutwara ubuzima bw'abantu, abandi zikabasigira ubumuga ari nako zangiza ibikorwa remezo bitari bike.

GAHUNDA YA "GERAYO AMAHORO" YATANGIYE RYARI?

Tariki ya 13 Gicurasi 2019 mu gihugu hose hatangijwe ubukangurambaga bugamije gukumira no kurwanya impanuka zo mu muhanda bwiswe "Gerayo Amahoro" ni ubukangurambaga bugamije guhindura imyumvire y'abakoresha umuhanda kugira ngo ibyiciro byose by'abakoresha umuhanda (abanyamaguru, abanyamagare, abashoferi n'abamotari) basobanukirwe n'uruhare rwa buri wese mu gukumira no kurwanya impanuka zo mu muhanda.

UKO IMIBARE Y'IMPANUKA IHAGAZE

Rapor y'ishami ry'umuryango w'abibumbye ryita ku buzima (OMS) igaragaza ko nibura buri mwaka ku Isi hose abantu Miliyonu imwe n'ibihumbi Magana atatu mirongo itanu (1,350,000) bahitanwa n'impanuka zo mu muhanda. Iyi raporo igaragaza ko mu bihugu biri mu nzira y'amajyambere n' u Rwanda rurimo impanuka zo mu muhanda zihitana 13% by'abaturage mu gihe abatunze ibinyabiziga muri rusange ari 1%. Iyi raporo kandi igaragaza ko abibasirwa cyane n'impanuka ari abanyamaguru aho bangana na 54% by'abaturage bahitanwa n'impanuka muri rusange.

GAHUNDA YA "GERAYO AMAHORO" IZAKORA ITE?

Ubwo hatangizwaga ku mugaragaro ubu bukangurambaga umuyobozi wa Polisi wungirije ushinzwe imiyoborere n'abakozzi

(DIGP AP) Juvenal MARIZAMUNDA yavuze ko ibi byumweru 52 bigamije kurwanya impanuka zibera mu muhanda ku buryo bugaragara nkuko insanganyamatsiko ibivuga iti "Gerayo Amahoro."

Yagize ati "Iki gikorwa cyateguve kugira ngo harebwe uko hakumirwa impanuka zitwara ubuzima bw'abantu nk'uko imibare igaragaza ko buri munsi umuntu umwe azira impanuka, mu gihe twakoraga ubukangurambaga bw' icyumweru kimwe bwo kurwanya impanuka zo mu muhanda wasangaga zagabanutseho 46% akaba ariyo mpamvu twahisemo gutegura ibumweru 52 kugira ngo tugabanye izo mpanuka nk'uko twabikoraga mu cyumweru kimwe."

DIGP Marizamunda akomeza avuga ko nyuma y'uko Polisi y'u Rwanda ibonye ko 80% by'impanuka zituruka k'uburangare bw'abatwara ibinyabiziga ifatanyije n'abafatanyabikorwa yateguye iki gikorwa, kugira ngo abatwara ibinyabiziga ,ababigendamo ndetse n'abanyamaguru basobanukirwe uburyo bwo kwirinda impanuka.

Ati "Ubu bukangurambaga turizera ko hari icyo buzahindura mu bibazo twajyaga duhura nabyo by'impanuka, nibura umubare w'abahitanwa nazo ukagabanuka, byaba byiza zigacika. Ibi rero birasaba ubufatanye bw'inzego zose, kugira ngo buri muturarwanda wese aho agiereyo amahoro, akaba ariyo ntero dushaka ko buri wese yikiriza, mu gihe uhuye n'ikibazo ugahamagara nimo itishyurwa 112 cyangwa 113."

Guhugura no kwigisha abanyarwanda amategeko



GERAYO AMAHORO IZAGERA MU BYICIRO BYOSE BY'ABAKORESHA UMUHANDA

y'umuhanda n'imikoreshereze yaho bizagera kuri buri cyiciro cy'abakoresha umuhanda cyane cyane hibandwa ku byiciro birimo:

- Abashoferi ndetse n'abayobozi b'bigo bitwara abagenzi mu buryo bwa rusange
- Abashoferi batwara imodoka nini zitwara imizigo (Trucks)
- Abatwara imodoka ntoya zitwara abagenzi (Tax voiture)
- Ibigo byigisha gutwara ibinyabiziga (Driving schools)
- Abamotari ndetse n'abanyamaguru

Muri rusange ibi byiciro byose by'abakoresha umuhanda byavuzwe haruguru bimaze guhugurwa aho ababigize bakanguriwe kubaha ibimenyetso, ibyapa n'amatara yo k'umuhanda ayobora abawukoresha. Banakanguriwe kandi kwirinda kuvugira kuri telefoni batwaye ibinyabiziga kutarenza umuvuduko wagenwe ndetse no kumva ko bakwiye kuba umusemburo w'impinduka nziza bakanguria bagenzi babo bica amategeko y'umuhanda nkana

gucika kuri uwo muco mubi.

Hari kirazira zikwiye kuranga abakoresha umuhanda

Niba utwaye ikinyabiziga menya ko ibi bintu bikurikira bizira:

1. Kirazira gutwara ikinyabiziga wanyoye ibisindisha
2. Kirazira gutwara ikinyabiziga uvugira kuri telefoni
3. Kirazira gutwara ikinyabiziga kidafite ubwishingizi
4. Kirazira gukubaganya cyangwa gucomora akagabanya muvuduko
5. Kirazira gutwara ikinyabiziga utarasuzumishije ubuziranenge bwacyo
6. Kirazira gutwara warengeje umuvuduko wagenwe
7. Kirazira gutwara ikinyabiziga warengeje umubare cyagenewe gutwara (gutendeka)
8. Kirazira guparika ahatemewe (cyane cyane ku bamotari)
9. Kirazira gutwara imodoka utambaye umukandara cyangwa abayirimo batayambaye mu gihe irimo
10. Kirazira kugenda kuri moto utambaye ingofero
11. Kirazira gutambuka mbere y'uko amatara ayobora ibinyabiziga n'abagenzi abikwemerera

Wowe ugenda mu muhanda n'amaguru (Umunyamaguru) menya ko ibi bikurikira bizira:

1. Kirazira kwambuka umuhanda uvugira kuri telefoni
2. Kirazira kugenda mu muhanda wambaye ekuteri mu matvi
3. Kirazira kutambukira ahabugenewe mu gihe hahari
4. Kirazira kwambukiranya umuhanda mu gihe hari amatara ayobora abagenzi n'ibinyabiziga hatarazamo ishusho y'umunyamaguru utambuka ari mu ibara ry'icyatsi kibisi.
5. Kirazira kuganirira mu muhanda mu gihe uri kuwambukiranya
6. Kirazira gukinira mu muhanda (cyane cyane abana b'abanyamaguru)

GERAYO AMAHORO MU MASHURI

Kuva ku cyumweru cya 15 kugeza kucyumweru cya 22 "Gerayo Amahoro" yakomereje mu mashuri abanza n'ayisumbuye mu gihugu hose aho igamije kwigisha abana barererwa

muri aya mashuri kugira ngo bazakure bafite ubumenyi buhagije ku mategeko y'umuhanda bityo impanuka zitwara ubuzima bwabo bajya cyangwa bava ku mashuri zigabanuke

Ni ubukangurambaga Polisi ikora k'ubufatanye n'ikigo cy'igihugu gishinzwe uburezi (REB) komisiyo y'ighugu y'abana (NCC) ndetse n'ihuriro ry'amakoperative yigisha gutwara ibinyabiziga ANPAER (Association Nationale des Propriétaires des Auto-Ecoles au Rwanda).

UKO ABANYESHURI BAKIRIYE GAHUNDA YA GERAYO AMAHORO.

ISARO SEKAMONDO MARIE GLADYS wiga mu mwaka wa gatandatu w'amashuri yisumbuye ku kigo cya Lycée Notre-Dame de Cîteaux yavuze ko yumvaga ko abatwaye ibinyabiziga aribo bagomba kugira uruhare cyane mu gukumira impanuka zo mu muhanda ariko akaba yasobanukiwe neza ko abanyamaguru nabo atari indorerezi k'umutekano wo mu muhanda bafite uruhare mu kuzumira. Ati "Nakangurira urubiruko rugenzi rwanje kubahiriza izi nama tugirwa kugira ngo tuzabashe kubaka u Rwanda rufite umutekano kandi ruzira impanuka."

MAHORO GEOFFREY wiga mu mwaka wa gatandatu w'amashuri abanza mu kigo cya Kigali Parents yavuze ko basobanukiwe uruhande bagomba kugendamo mu gihe baru mu muhanda n'ihe bagiye kwambukiranya umuhanda ibyo bagomba kwirinda, ibi byose bikaba ngo bizabafasha kugabanya impfu z'abana bahitanwaga n'impanuka.

UWIKUNDE NICOLE wiga mu mwaka wa gatunu w'amashuri yisumbuye mu kigo cya GASS (Gisenyi Adventist Secondary School) giherrereye mu murenge wa Gisenyi mu karere ka Rubavu, yavuze ko basobanukiwe ibimenyetso

by'umuhande n'uburyo bawitwaramo aboneraho kwibutsa abakoresha umuhanda kubungabunga amagara yabo birinda impanuka zo mu muhanda.

NIYONKURU DAVID w'imyaka 18 wiga mu mwaka wa gatanu w'amashuri yisumbuye akaba n'umuyobozi w'abanyeshuri ku kigo cya GS Uwinkomo giherrereye mu murenge wa Tare akarere ka Nyamagabe, yashimiye Polisi y'u Rwanda k'ubukangurambaga yahayave bwa gerayo amahoro.

Yagize ati "Ubu bukangurambaga bwa gerayo amahoro yaba ku gititse cyanje ndetse n'abandi abanyeshuri bagenzi banje twiga ku kigo kimwe ntabwo twari tuzi, bamwe babwumvaga gutyo nko kuri radiyo ariko ubu twabusobanukiwe kandi tugiye no kubukangurira abandi."

UMULISA SABRINA wiga mu mwaka wa gatanu w'amashuri yisumbuye mu rwunge rw'amashuri rwa Kigina mu karere ka Kirehe yavuze ko yasobanukiwe inzira yagenewe abanyamaguru, ikoreshwa ry'ibapa ndetse ngo ko atazongera kwemera ko bamutendeka kuri moto cyangwa mu modoka.

Undi munyeshuri witwa **SEMIGABO** wiga mu mwaka wa gatanu w'amashuri yisumbuye mu kigo k'ishuri cya Ecole Secondaire Nyarutovu giherrereye mu karere ka Gakenke yavuze ko basobanukiwe ko batagomba gukinira mu muhanda ndetse n'uruhare rwabo mu kwirinda no kurinda abandi impanuka.

Muri rusange mu bigo by'amashuri hirya no hino mu gihugu abanyeshuri barikugenda barushaho gusobanukirwa ubukangurambaga bwa gerayo amahoro ndetse n'uruhare rwabo mu gukumira impanuka zo mu muhanda.

Abayobozi b'ibigo by'amashuri nabo biyemeje kugira ubukangurambaga bwa "Gerayo Amahoro"ubwabo.

Abayobozi b'ibigo by'amashuri abanza n'ayisumbuye, mu nama yabahuje n'abakuriye uburezi mu mirenge ndetse n'abashinzwe uburezi mu turere, mu rwego rwa buri karere mu gihugu hose, nabo biyemeje kugira ubukangurambaga bwa "Gerayo Amahoro"ubwabo.

Ndayisaba Jean Damascene umuyobozi w'urwunge rw'amashuri rwa Mwurire ya II ruherereye mu karere ka Rwamagana mu murenge wa Mwurire, akagari ka Bishenyi yavuze ko ikiganiro bahawé na Polisi y'u Rwanda ari ingirakamaro kuko byatumye bakanguka bakumva ko nabo kurwanya impanuka babifitemo uruhare.

Yagize ati "Ikigo cyacu gituriye umuhanda wa kaburimbo, iyo urebye uburyo abana bagenda babisikanwa n'ibinyabiziga bambuka umuhanda ni ibintu bishobora gutera impanuka kuko tumaze kubura ubuzima bw'abana 3 kubera kutubahiriza amategeko y'umuhanda."

Yongeyeho ko nyuma yo kwigishwa amategeko na Polisi y'u Rwanda bagiye gushinga itsinda (club) ryo kurwanya impanuka no kuganiriza abanyeshuri uko bakwiye kwitwara mu gihe bakoresha umuhanda ndetse bakibutsa n'abarezi kujya babaganiriza uburyo bwiza bwo gukoresha umuhanda.

Umuyobozi w'urwunge rw'amashuri gaturika rwa Kagugu ruherereye mu karere ka Gasabo mu murenge wa Kinyinya, Habanabashaka Jean Baptiste yavuze ko aya masomo yabaye ingirakamaro ku bayobozzi b'ibigo by'amashuri.

Yagize ati "Nkanje uyobora abanyeshuri bagera ku 7400 ntabwo wakwambutsa buri munyeshuri



Abamotari basobanurirwa uruhare rwabo muri gahunda ya Gerayo Amahoro



Abatwara ama bus manini basobanurirwa uko bagomba kwitwara kugira ngo bubahirize gahunda ya Gerayo Amahoro

cyangwa ngo umuherekeze umugeze mu rugo, bityo dusobanukiwe ko dukwirye kwigisha abanyeshuri uburyo bwiza bakoresha umuhanda ndetse natwe bakuru hari ibyo tutari dusobanukiwe, kuko twari tuzi ko umuntu mbere y'uko yambuka agomba kureba iburyo n'ibumoso ariko tudasobanukiwe ko umunyamaguru akwiriye kugendera mu gice cy'ibumoso mu gihe akoresha umuhanda."

Yakomeje avuga ko nyuma yo guhabwa ibyo biganiro bagye kuganiriza abarezi k'uburyo mubyo bigisha bazajya bongeramo kwigisha abanyeshuri ibijyanye no kwirinda impanuka zo mu muhanda ndetse no mu gihe bakoranye inama n'ababyeyi bakabakangurira nabu uko bakwiye kwitwara mu gihe bari mu muhanda.

Nizeyimana Emmanuel umuyobozi w'ikigo cy'ishuri cya Karwasa gihererere mu karere ka Musanze, yavuze ko iyi nama ari ingirakamaro kuko yatumye hari byinshi asobanukira harimo kumenya ubusobanuro bwa bimwe mu byapa bikoreshwa ku muhanda, kumenya n'aho umunyamaguru yagenewe kwambukira (zebra crossing).

Yakomeje avuga ko muri uyu mwaka habaye impanuka yahitanye abana 2 bigaga kuri iki kigo abereye umuyobozi, bityo ko nyuma yo kwigishwa na Polisi agiye kujya yigisha abana buri gitondo uko bakwiye kwitwara mu gihe bakoresha umuhanda bajya cyangwa bava ku ishuri. Yanongeyeho ko agiye gushyiraho umwarimu uzajya wigisha abana ibyerekeye amategeko y'umuhanda nibamara kubona imfashanyigisho izatangwa na Polisi.

Uwizeye Edith umuyobozi w'ishuri ribanza rya Mushubati riherereye mu karere ka Muhanga, umurenge wa Nyamabuye yavuze ko ibiganiro bahawre na Polisi ari ingirakamaro kuko byongeye kubakeburu mu kumenya inshingano zabo.

Yagize ati "Ishuri nyobora ni rimwe mu mashuri yahawe ibiganiro higishwa abana uko bakwiye kwirinda impanuka zo mu muhanda. Polisi yatwigishije ubusobanuro bwa bimwe mu byapa bikoreshwa mu

muhanda n'ibindi."

Yongeyeho ko basabwe gutanga amakuru y'abatwara ibinyabiziga banyoye ibisindisha, abashoferi bacomokora utugabanya muvuduko n'abatwara ibinyabiziga barengeje umuvuduko wagene, ko nibakora gutyo bazaba batanzé umusanzu wabo mu kurwanya impanuka.

Bahizi Gerard umuyobozi wa Teacher Training Center (TTC) Gacuba ya II, ikigo gihererere mu murenge wa Gisenyi mu karere ka Rubavu yashimye ibiganiro byatanzwe na Polisi avuga ko byarushijeho kumwungura ubumenyi yari afite mu bijyanye no kubungabunga umutekano wo mu muhanda.

yakomeje asaba n'abandi bayobozi b'ibigo by'amashuri kugira ubukangurambaga bwa "Gerayo Amahoro" ubwabo mu rwego rwo kurwanya impfu za hato na hato. Muri rusange iyi nama yabaye umwanya mwiza wo gusangiza ubumenyi abayobozi b'ibigo by'amashuri ubukangurambaga bwa Gerayo Amahoro mu rwego rwo kwimakaza umutekano wo mu muhanda.

Ibihano bigenewe abica amategeko y'umuhanda byarongerewe Bikunze kugaragara ko impanuka nyinshi zihitana ubuzima bw'abantu zikomoka kuburangare bukabije bw'abayobozi b'ibinyabiziga, umuvuduko urenze uwagenwe, ubusinzi ndetse no gucomora utugabanyamuvuduko ku bashoferi batwara imodoka nini zaba izitwara abantu cyangwa imizigo.

Umuvugizi wa Polisi y'u Rwanda Commissioner of Police (CP) John Bosco KABERA agaragaza ko ibihano kubakora aya makosa byakajijwe mu rwego rwoguhangana n'abica amategeko y'umuhanda nkana bigashyira ubuzima bw'abatari bake mu kaga.

Yagize ati "Kuri ubu ibihano byariyongereye uwafashwe atwaye ikinyabiziga yasinze acibwa

amande angana n'ibihumbi 150, ikinyabiziga cye kigafatirwa ndetse hakiyongeraho n'igifungo mu gihe hagikorwa iperereza kugira ngo hamenyekane igitera uwo musinzi kwica amategeko y'ighugu nkana"

CP KABERA akomeza agaragaza ko mu bisho bishya bizongerwa mu mategeko agenga imikoreshereze y'umuhanda harimo no kwamburwa uruhushya rwo gutwara ikinyabiziga kuko iri tegeko riteganya ko umuyobozi w'ikinyabiziga uko afatiwe mu makosa azagenda akurwaho amanota kugeza yambwe uruhushya rwo gutwara ikinyabiziga mu gihe runaka.

Ubu butumwa bugenewe abakoresha umuhanda bose muri rusange

Gishari: Abakozi 57 bo mu nzego zicunga Umutekano basoje amahugurwa yo kurwanya inkongi z'umuriro

Mu gitondo cyo kuri uyu wa Kane tariki ya 12 Nzeri, mu kigo cy'ishuri cya Polisi y'u Rwanda gihererereye mu karere ka Rwamagana mu murenge wa Gishari hasojwe amahugurwa ku bantu 57 barimo abapolisi, abacungagerezza ndetse n'abakora mu bigo byigenga bicunga umutekano. Aba bose bahuguriwe kurwanya no gukumira inkongi z'umuriro.

Aya mahugurwa yari amaze amezi abiri(2) yatangiye tariki ya 10 Nyakanga kugeza tariki ya 12 Nzeri 2019, abapolisi bahuguwe ni 16, abacungangerezza 10 ndetse n'abashinzwe gucunga umutekano mu bigo byigenga 31, bose bigishije uko bazimya inkongi y'umuriro ndetse n'ubutabazi bw'ibanzé.

Ni amahugurwa yasojwe n'umuyobozi w'ishuri rya Polisi y'u Rwanda (PTS Gishari), Commissioner of Police (CP) Vianney Nshimiyinama. Mbere y'uko asoza aya mahugurwa abahuguwe babanje kwerekana bimwe mubyo bayungukiyemo, harimo kwerekana uko wazimya inkongi mu nzu iri gushya haba indende cyangwase ingufi ndetse no gutabara inzu iri gushya ariko ifunganye. CP Nshimiyinama yashimiye ubuyobozi bwa Polisi y'u Rwanda bwashyigikiye bukanatera inkunga aya mahugurwa, yakomeje avuga ko aya mahugurwa atageraho hatabayeho ubufatanye ku nzego zose.

Yagize ati "Aya mahugurwa aba agamije kongerera ubumenyi abantu bose kugira ngo umutekano w'abantu n'ibyabo uboneke kuko utareba umuntu umwe gusa ahubwo ureba buri wese. Inkongi iyo ivutse cyangwa se umuntu uri mukaga iyo abuze umutabara wa hafi bimugiraho ingaruka, niyo mpamvu ubu bumenyi bukwiye kugera kuri buri wese."

Yakomeje ababwira ko amahugurwa bahawe bazayageza ku bandi baturage benshi bashoboka kugira ngo buri munyarwanda agire ubumenyi mu kuzimya inkongi z'umuriro.

Yagize ati "Aya mahugurwa mwahawwe turifiza ko mwawayeza kuri benshi bashoboka, igihugu cyacu kirimo kugenda gitera imbere, niyo mpamvu natwe bidusaba kwihiburera byimbisite mu rwego rwo kugendana n'iterambere tukamenya inzira zose zo gutabara, tukagira abantu benshi bafite ubumenyi mu guhangana n'inkongi z'umuriro ndetse no gutabara abantu bari mukaga." Umuyobozi ushinzwe ibigo byigenga mu gucunga umutekano mu Rwanda (Rwanda Security Industry association) Niyonshuti Fidele, yashimiye uburyo Polisi y'u Rwanda idahwema guha ubumenyi abantu mu rwego rwo kubaka igihugu gitekanye. Yasabye abasoje aya mahugurwa kuzakoresha ubumenyi bahawe neza kugira ngo buzafashe abanyarwanda n'abaturarwanda.

Yagize ati "Turashimira ubuyobozi bwa Polisi y'u Rwanda bwateguye aya mahugurwa, turabasaba ko mwazakoresha imbaraga n'ubumenyi mufite mu gutabara abahaye inkongi z'umuriro ndetse muzanahugure abandi banyarwanda kugira ngo buri muntu wese agire ubumenyi ku kurwanya no gukumira inkongi." Yasoje ijambo rye yemeza ko adashidikanya ko amahugurwa bahawezazabagirira akamaro ndetse n'igihugu muri rusange.

Bazatoha Abdourkarim ni umwe mubahuguwe bakora mu kigo kigenga gishinzwe gucunga umutekano aricyo RGL yavuze ko amahugurwa yahawé ari ingenzi kandi ko yiteguye kutazihererana ubumenyi yahawé.

Yagize ati "Aya mahugurwa y'ibanze ku kuzimya inkongi z'umuriro no gutabara abari mukaga anyongereye ubumenyi ku kurwanya no gukumira inkongi z'umuriro ariko nanone bizamfasha guhugura n'abandi banyarwanda kugira ngo bagire ubumenyi mu kurwanya no gukumira inkongi z'umuriro."

Aya mahugurwa ku bakozi bo mu bigo bicunga umutekano abaye mu gihe n'ubundi Polisi y'u Rwanda imaze iminsi iri mu bukangurambaga mu banyarwanda hirya no hino cyane abakora mu bigo bifite aho bishurira n'umuriro w'amashanyarazi cyane nk'abacuruzi n'abanyenganda. Gusa ubu bukangurambaga busanzwe bukorwa no mu banyarwanda b'ingeri zose aho bakangurirwa ku kwirinda inkongi z'umuriro ariko zaba zanabaye bakamena uko bakwitabara ubwabo cyangwa bagatabaza Polisi mu gihe byanze.



KWAKIRA NEZA ABATURAGE NI IMWE MU NDANGAGACIRO ZITURANGA

ACP KARASI ABWIRA ABAPOLISI BASOJE AMAHUGURWA KU MITANGIRE YA SERIVISI



Assistant commissioner of Police(ACP) Emmanuel Karasi, Umuyobozi w'ishami rishinzwe imitangire ya serivisi n'ubugenzuzi muri Polisi y'u Rwanda.

Mu rwego rwo kunoza imitangire ya serivisi, Polisi y'u Rwanda ihora ihugura abapolisi bakora mu nzego zitandukanye cyane cyane abagira aho bahrurira n'abaturage babaha serivisi. Ni muri urwo rwego kuva tariki ya 16 Nzeri kugera tariki ya 20 Nzeri ku cycaro gikuru cya Polisi y'u Rwanda ku Kacyiru hari hateraniye abapolisi bagera kuri 50 bahugurwa ku mitangire ya serivisi no kwakira neza ababagana.

Ubwo yasozaga aya mahugurwa, umuyobozi w'ishami rishinzwe imitangire ya serivisi n'ubugenzuzi muri Polisi y'u Rwanda Assistant commissioner of Police(ACP) Emmanuel Karasi yagaragarike abapolisi basozaga amahugurwa ko mu ndangagaciro ziranga Polisi y'u Rwanda harimo no kwakira neza abaturage bayigana. Abibutsa ko bagomba kuzirikana ko ari abagaragu b'abaturage bityo bakaba bagomba kubakirana urugwiro.

Yagize ati:" Muri Polisi y'u Rwanda dufite inshingano yo kwakira neza abaturage, biri mu ndangagaciro zacu kandi abaturage nibo dukorera. Akira neza umuturage uje akugana kabone n'yo yataha adakemuriwe ikibazo uko yabyifuzaga ariko byibura akabona ko wamwakiranye urugwiro."

Yabibukije ko bidakwiye ko umuturage yagana umupolisi akeneye serivisi hanyuma akamubwira amagambo

y'urucantege amubwira ko serivisi amusaba adafite ubushobozu bwo kuyimuhu, akangurira abapolisi kujya baha icyizere abaturage kandi ibyo badashoboye kubacyemurira bakabigeza ku nzego zibakuriye.

Abapolisi 50 bari bamaze iminsi itanu mu mahugurwa ku mitangire ya serivisi ni bake cyane ugereranyije n'umubare w'abagize Polisi yose muri rusange, niyo mpamvu ACP Emmanuel Karasi ubwo yasozaga aya mahugurwa yasabye abahuguwe kuzajya guhugura bagenzi babo ariko anizeza ko aya mahugurwa azahoraho.

Inspector of Police (IP) Alice Bayera Kalisa, ni umwe mu bahuguwe, avuga ko guhugura abapolisi ku mitangire ya serivisi ari ikintu k'ingenzi kuko ari kimwe mu ngamba zo kurwanya ruswa . IP Bayera akomeza avuga ko abaturage aribo bakirya ba polisi y'u Rwanda ndetse bakanaba abafatanyabikorwa ari yo mpamvu bagomba kwakirwa neza.

Ati:" Muri aya mahugurwa twabonye ko iyo utanze serivisi neza ari bumwe mu buryo bwo kurwanya ruswa, gutanga serivisi itanoze biba biganisha kuri ruswa. Abaturage nibo bakirya bacu, muri aya mahugurwa nungukiyemo byinshi bijyanye n'uko nakwakira umuturage agataha yishimye kandi nanjye nkaba mpesheje isura nziza igipolisi cy'u Rwanda."

Police Costable (PC) Ndayisaba Benjamin, akorera mu ishami rya Polisi y'u Rwanda rishinzwe umutekano wo mu muhandira shami ni rimwe mu mashami ya Polisi ahura n'abaturage bensi bashaka serivisi ziijyanye n'impusya zo gutwara ibinyabiziga ndetse n'izindi serivisi ziijyanye n'umutekano wo mu muhandira.

PC Ndayisaba avuga ko akenshi abaturage baza babaganwa baba ari bensi kandi bifusa guhita bakemurirwa ibibazo, aba baturage bagakunda kugaragaza amarangamutima iyo batinze gukemurirwa serivisi cyangwa ntikemurwe uko yabyifuzaga. PC Ndayisaba avuga ko aya mahugurwa yamufashije kumenya uko azajya yakira abaturage kandi bagataha banyuzwe.

Ati:"Aya mahugurwa icyo nyakuyemo ni uburyo nakwakiramo umuturage kandi agataha yishimye kabone n'ubwo wenda serivisi yashakaga yataha atayibonye cyangwa yayibonye itinze."

Abapolisi bahuguwe baturutse mu mashami atandukanye ya Polisi y'u Rwanda hirya no hino mu gihugu cyane cyane abakora muri serivisi zigira aho zihirura cyane n'abaturage.



Minisitiri w'Ubutabera akaba n'Intumwa nkuru ya Leta Johnston Busingye

A barenga 1300 basoje Amasomo abinjiza muri Polisi y'u Rwanda

Tariki ya 3 Kamenya 2019, mu ishuri rya Polisi rya Gishari habereye umuhango wo gusoza icyiciro cya 15 cy'amahugurwa y'abapolisi bato 1342, aho umuhango wayobowe na Minisitiri w'Ubutabera akaba n'intumwa nkuru ya Leta Johnston Busingye.

Uyu muhango wahujwe no gutaha k'umugaragaro inyubako zigizwe n'amacumbi n'ibumba by'amashuri bizajya bikoreshwa n'abahugurirwa muri iki kigo.

Minisitiri w'ubutabera yari aherekejwe n'abandi bayobozi batandukanye barimo umuyobozi mukuru wa Polisi IGP Dan Munyuza, umuyobozi w'intara y'Iburasirazuba, umushinjacyaha mukuru, umuyobozi w'urwego rw'amagereza, umuyobozi w'urwego rw'ubugenzacyaha (RIB) n'abandi.

Mu mezi 10 aba bapolisi bamaze bahugurwa,

bahawe inyigisho zitandukanye zigizwe n'imirimio ya Polisi y'u Rwanda; gukoresha intwaro; kubungabunga umutekano mu gihugu no mu mahanga; ibikorwa bya polisi; ikoranabuhanga mu ipererezza; amategeko; ubufatanye bwa polisi n'abaturage; ubutabazi bw'ibane; imyitozo ngororamubiri; ibiganiro ndetse n'andi masomo atandukanye y'ingirakamaro mu mirimo ya polisi y'igihugu.

Umuyobozi w'ishuri rya Polisi rya Gishari, Commissioner of Police (CP) Vianney Nshimiriyama yavuze ko amasomo aba bapolisi bahawe azabafasha gushyira mu bikorwa inshingano z'umupolisi w'umunyamwuga.

Ati: "Aba banyeshuri bagaragaje umurava n'ubushake mu gihe cyose aya mahugurwa amaze. Ndabashimira kandi nshimiria abarimu bakoze umurimo ukomeye wo kwigisha aba banyeshuri babaha ubumenyi buzabafasha gutunganya inshingano zabo nk'abapolisi."



asoza amasomo yinjiza abarenga 1300 muri Polisi y'u Rwanda

Yahaye impamba abasoje aya masomo y'abapolisi bato, agira ati "Banyeshuri musoje amahugurwa uyu munsi, amasomo mwize ntazabe imfabusa. Ndabasaba kuzashyira mu bikorwa ubumenyi mwahawwe, mwirinda icyabatesha agaciro muharanira guteza imbere igihugu cyacu cyabagiriye icyizere kikabatoranya mu bandi banyarwanda, mukaba mugije gushingwa umurimo utoroshye wo gucunga umutekano w'abaturarwanda n'ibyabo."

Minisitiri w'ubutabera akaba n'intumwa nkuru ya Leta Johnston Busingye yasabye aba bapolisi bashya kuzirikana inshingano zabo zo kurinda umutekano w'abaturage n'ibyabo, bakumira ibikorwa byose byabangamira uwo mutekano.

Yagize ati "Muri uru rugamba rwo gukumira icyahungabanya umutekano, umupolisi wese agomba kumva ko iyi nshingano imureba, akanamanya ko ishyirwa mu bikorwa ryayo risaba imikoranire inoze ihoraho hagati ya Polisi n'abaturage ndetse n'inzezo zitandukanye."

Yibukije ko ubufatanye n'inzezo zitandukanye mu gucunga umutekana bwagize uruhare mu kugabanya umubare w'ibyaha, agasaba ko guhuza imbaraga zirwanya ikibi bigomba gukomeza.

Ati "Umutekano mu gihugu wifashe neza kandi n'ibyaha biragenda bigabanuka k'uburyo bugaragara. Ibi niko bigomba gukomeza twese tukiyumvamo ko ntacyahungabanya umutekano tureba, maze tugakomeza gutura dutekanye."

Minisitiri Busingye yasabye abapolisi b'u Rwanda kuba intangarugero mu kubahiriza amategeko, bashyigikira gahunda za Leta buri wese aho akorera, kugira ngo n'abaturage babigireho umuco mwiza wo gushyira mu bikorwa ibyo amategeko ateganya.

Yavuze ko ubuyobozi bw'igihugu butazahwema gufasha abapolisi b'u Rwanda mu kubaka ubushobozi bubagezaho ibikoresho byiza n'aho bafatira amasomo hagezwaho. Urugero, yagaragaje ko inyubako yatashywe ku mugaragaro izafasha abapolisi gukomeza kongera ubumenyi bahabwa kuko ifite ibikoresho bigezweho kandi bakiga bisanzuye.

Iyi nyubako yuzuye itwaye amafaranga miliyaridi 2 z'amanyarwanda. Ifite ubushobozi bwo gucumbikira abanyeshuri 360 bitabira amasomo y'ibanzo ahabwa aba-Ofisiye bato, amacumbi 2000 y'abanyeshuri bitabira amasomo y'abapolisi bato (Amakurutu), ibyumba byo kwigiramo abanyeshuri 1344 , amacumbi y'abari mu 250 ndetse n'aho aba Ofisiye bakuru baba.

MUSANZE: Mu ishuri rikuru rya Polisi habereye inama yiga ku mahoro, umutekano n'ubutabera

Tariki ya 13 Kamena, mu ishuri rikuru rya Polisi (National Police College-NPC) riherereye mu karere ka Musanze habereye inama ngaruka mwaka yiga ku mahoro n'umutekano ndetse n'ubutabera, ifite insanganyamatsiko igira iti "Dushimangire umutekano ku mugabane wa Afurika dushingiye kubufatanye bw'uturere."

Iyi nama ibaye ku nshuro ya gatandatu, yitabiriwe na Minisiteri w'Ubutegetsi bw'Ighugu Prof Shaka Anastase ,Umuyanamanga wa Leta muri Ministeri y'Ubatabera Evode Uwizeyimana ,Umuyanamanga mu by'umutekano mu biro bya Perezida wa Repubulika y'u Rwanda Gen James Kabarebe , Umuyobozi mukuru wa Polisi y'u Rwanda IGP Dan Munyuza ,Umuyobozi w'ishuri rya gisirikare rya Nyakinama Major Gen. Jean Bosco Kazura ,abayobozi bakuru muri Polisi y'u Rwanda,Umuyobozi mukuru wa RIB Col. Jeannot Ruhunga n'abandi bayobozi batandukanye.

Iyi nama kandi yitabiriwe n'abanyeshuri biga ibijyanye n'amategeko mu ishuri rya ILPD riri mu karere ka Nyanza hamwe n'abofisiye bakuru bari kwiga muri NPC icyiciro cya karindwi baturuka mubihugu 9 bya Afurika aribyo u Rwanda, Central Africa, Kenya, Liberia, Namibia, Nigeria, Somalia, Sudani, y'Amajepfo na Sudani.

Minisiteri Uwizeyima atangiza iyi nama yavuze ko bitewe n'iterambere mu ikoranabuhanga, byoroheje uburyo bw'urujya n'uruza rw'abantu n'ibantu ku isi, bigatuma hari ababyitwaza bagakora ibyaha byambukiranya imipaka.

Yagize ati "Ikoranabuhanga ni ryiza mu iterambere ry'ibihugu ariko uko ryihuta niko riteza ibyaha byinshi, niyo mpamu iyi nama ibaho kugira ngo harebererwa hamwe uko ibibazo bijyanye n'umutekano bibonewa umuti."

Yakomeje avuga ko kugira ngo umugabane wa Afurika ugire umutekano urambye habaho guhanahana amakuru mu gukumira ibyaha, anavuga kandi ko kugira ngo ibyo biggerweho ari uko abofisiye bakuru muri Polisi bakomeza kongererwa ubumenyi n'ibikoresho kugira ngo babashe guhangana n'ibyaha bitandukanye.

Minisiteri Uwizeyima yakomeje avuga ko adashidikanya ko ubunraribonye, ubunyamwuga aba bofisiye bakuru basangiriye muri aya masomo bamaze igihe bahabwa ndetse n'ubumenyi bushya bungukiyemo bizabafasha mu kunzoa inshingano zabo neza mu kubungabunga umutekano no kurwanya ibyaha. Minisiteri Uwizeyima yasoje ashimira ubuyobozi bwa Polisi y'u Rwanda ku ruhare bugira mu gutegura aya masomo ndetse no kubumbatira umutekano w'u Rwanda n'amahanga.

Umuyobozi w'ishuri Commissioner of Police (CP) Christophe Bizimungu yakira abashyitsi bitabiriye iyi nama, yavuze ko iyi nama iba igamije kureberera hamwe ibibazo bishingiye ku mutekano kandi akaba ari n'umwanya mwiza kubofisiye bakuru baba bari gukurikirana amasomo muri iki kigo.

Ati "Ibibazo byerekeye umutekano aba ari ngombwa ko bireberera hamwe kugira ngo bishakirwe ibisubizo, niyo mpamu abofisiye bakuru bahora bongererwa ubumenyi binyuze mu mahugurwa ,guhabwa amasomo nk'aya ,gusoma ibitabo ndetse no gukora ingendo shuri kugira ngo bongere ubumenyi."

Nyuma y'yi nama hakurikiyeho ibiganiro bibiri aho ikiganiro cya mbere kibanze ku busesenguzi ku mihindagurikire y'umutekano ku mugabane wa Afurika kikaba cyatanzwe n'Umuyanamanga mu by'umutekano mu biro bya Perezida wa Repubulika y'u Rwanda Gen James Kabarebe, Dr Tony Karbo umwarimu wigisha ku mahoro muri kaminuza yo muri Ethiopia hamwe na Prof Patrick Lock Otieno Lumumba umuyobozi w'ishuri ry'amategeko muri Kenya.

Ikiganiro cya kabiri cyatanzwe n'Umuyobozi mukuru wa Polisi



y'u Rwanda IGP Dan Munyuza ari kumwe n'Umuyanamanga mu biro bya Perezida wa Repubulika y'u Rwanda Dr. Jean Paul Kimonyo n'Umushinjacyaha mukuru Jean Bosco Mutangana.

Umuyobozi mukuru wa Polisi IGP Munyuza yavuze ko nta gihugu cyakwikemurira ibibazo by'iterabwoba cyonyine. Ati "Ubufatanye ni ngombwa mu gukumira ibibazo by'umutekano, nk'ibyaha by'ikoranabuhanga ,icuruzwa ry'abantu ndetse n'icuruzwa ry'ibiyobyabwenge. Ubufatanye ni ngombwa kugira ngo ibi byaha bibashe kurwanywa."

Asoza iyi nama ku mutekano n'ubutabera, Minisiteri w'Ubutegetsi bw'Ighugu Prof. Shaka Anastase yavuze ko biturutse ku kuba isi yarabaye nk'umudugudu, igenda itera imbere cyane muri iki kinyejana cya 21, aho amahoro

n'umutekano bigenda bigorana cyane ugereranyije no hambere.

Yagize ati "Kuri ubu ibyaha byabaye byinshi; iby'iterabwoba, ibyambukiranya imipaka n'iby'ikoranabuhanga, ibyo byose niko bigenda byiyongera bityo bikabangamira amahoro n'umutekano ku batuye umugabane wa Afurika ndetse n'isi yose." Minisiteri yakomeje avuga ko ibihugu bikenye gukora ubukangurambaga ku miterere y'ibyo byaha n'ingaruka zabyo.

Yavuze ko adashidikanya ko amasomo aba bofisiye bakuru bamaze iminsi bahabwa azabafasha mu gutekereza uko ibihugu byahangana n'ibyaha by'inzaduka bigenda bigaragara k'umugabane wa Afurika.



Uhereye ibumoso ni Dr Charity Wibabara akurikiwe na General James Kabarebe agakurikirwa na Professor PLO Lumumba na Professor Tony Karbo

Abapolisi n'abacungagereza 30 bakomoka mu bihugu icyenda byo ku mugabane wa Afurika basoje amasomo agenerve aba-Ofisiye bakuru bari bamazemo umwaka mu ishuri rikuru rya Polisi i Musanze, basabwe kurangwa n'ubufatanye mu gukumira no kurwanya ibyaha byambukiranya imipaka n'amakimbirane.

Uyu muhango wo gusoza aya masomo ku nshuro ya 7, wabaye tariki ya 28 Kameni. Abayasoje bahawe na Kaminuza y'u Rwanda impamyabumenyi ry'icyiciro cya gatatu cya kaminuza mu masomo yo gukemura amakimbirane hagamijwe kwimakaza umuco w'amahoro.

Abarangije aya masomo bibukijwe ko ubufatanye ari ryo pfundo ry'imikoranire inoze mu gukumira ibyaha, basabwa kubyaza umusaruro uhagije ubumenyi n'ubunararibonye basangije mu gihe cy'umwaka bamaze bigira hamwe icyarushaho guteza imbere umutekano.

Umuyobozi mukuru wa Polisi IGP Dan Munyuza yashimiye abasoje aya masomo ku bwitange n'ubushake

bagaragaje, abasaba kuzakomeza kurangwa n'ubufatanye mu gukumira no kuburizamo ibyaha n'ibindi bishobora guhungabanya umutekano.

Ati "Nemera ntashidikanya ko muri iki gihe ubufatanye n'imikoranire ari urufungozo mu kurwanya no gukumira ibyaha byambukiranya imipaka, akensi byiganjemo iby'ikoranabuhanga. Bityo rero ndabasaba ko n'aho muzajya gukorera mu bihugu bitandukanye, ubufatanye mwagaragaje hano buzakomeza kubaranga hagamijwe kurwanya ibyaha."

IGP Munyuza yavuze ko aya masomo yabaye umwanya ku bayitabiriye wo gusangira ubunraribonye ku bibazo bibangamiye umutekano birimo ikoreshwa ry'ibiyobyabwenge, icuruzwa ry'abantu, iterabwoba ndetse n'ibindi bibazo bibangamiye abaturage.

Yagize ati "Sinshidikanya ko uko muzanoza inshingano zanyu bizikuba inshuro nyinshi nk'umusaruro w'aya masomo musoje bitewe n'ubunararibonye mwasangije mu gukemura ibibazo bitandukanye no kubungabunga umutekano."

Urangije aya masomo yo ku rwego rw'aba-Ofisiye bakuru ahabwa impamyabumenyi ry'icyiciro cya gatatu cya kaminuza mu bijyanye no gukemura amakimbirane hagamijwe kwimakaza umuco w'amahoro.

Umuyobozi wungirije wa Kaminuza y'u Rwanda Prof Philip Cotton wari uhagarariye iyi kaminuza mu gutanga izi mpamyabumenyi yavuze ko ubumenyi bahawe buzabafasha guhindura Isi bahangana n'ibibazo biyugarije ndetse n'inxitizi bajaga bahura nazo mu bikorwa by'umutekano nk'akazi kabu ka buri munsi.

Yagize ati "Ndizerwa ko mufite ubushobozi bwo guhindura byinshi byugarije Isi. Hari ibyaha by'ikoranabuhanga, ibyugarije abana n'abagore, amakimbirane n'ibindi kuko nzi ko mufite ubushobozi bwo kugira icyo mubikemuraho."

Abasoje aya masomo uko ari 30, baturuka mu bihugu 9 aribyo U Rwanda, Kenya, Nigeria, Soudan, Soudan y'Epo, Somalia, Liberia na Namibia na Central Africa Republic.



Uhereye ibumoso Umujyanama mukuru w' imitwe ya Polisi muri LONI ishinzwe kubungabunga amahoro ku isi Luis Carrilho ubwo yitabiraga inama i Kigali ari kumwe n'abandi bayobozi

A bayobozi b'imitwe aya Polisi ya LONI bemeranyijwe kwegereza abaturage umutekano n'iterambere

Abayobozi 19 b'amatsinda y'abapolisi bari mu butumwa bwa LONI bugamije kubungabunga amahoro muri Africa baravuga ko guhurira mu mwiherero bitanga amahirwe adasanzwe yo kwigira hamwe uko inzitizi zibangamiye amahoro n'umutekano zakurwaho kugira ngo iterambere ry'umuturage bashinzwe kurinda rikomeze kwiyongera.

Ibi babitangaje kuwa gatanu tariki 24 Gicurasi, ubwo basozaga umwiherero ku nshuro ya kane (4) bari bamazemo iminsi itatu bakoreraga ku cyicaro gikuru cya Polisi ku Kacyiru.

Aba bakomiseri n'aba-Ofisiye bakuru muri Polisi bitabiriye uyu mwiherero baturutse mu matsinda abungabunga amahoro n'umutekano mu bihugu bitandukanye mu butumwa bwa LONI, ariyo UNMISS (South Soudan), Monusco (RDC), UNISFA (Abyei), UNAMID (Darfur), AMISOM na UNSOM yombi yo muri Somalia.

Komiseri Unaishi Lutu Vuniwaqa wari uhagarariye UNMISS, yavuze ko uyu mwiherero wababereye urubuga rwo gusangira ingorane bahura nazo ndetse nuko zakemurwa kugira ngo

abaturage bashinzwe kugarurira amahoro bayabone.

Ati "Tuganira ibantu bitandukanye birebana n'umutekano, turebera hamwe uko ibibazo bigihari byakemuka kugira ngo abaturage bave mu bibazo by'amakimbirane n'intambara bityo barusheho gukora kugira ngo bivane mu bukene."

Yavuze ko hari inzitizi bajyaga bahura nazo mu kunoza inshingano, gusa ngo ibitekerezo yasangijwe na bagenzi babo bayoboje iyi ndi mitwe, biramuha ikizere ko bizabafasha kuzuza inshingano bahawwe zo kugarura amahoro muri Soudan y'Epfo.

Abdounasir Awale wa MONUSCO yo muri Repubika iharanira Demukarasi ya Kongo, we yagize ati "Uyu mwiherero wadufashije kwibukiranya ibyo imitwe ya Polisi duhagarariye ikeneweho, birumvikanicyo abaturage bakeneye ni amahoro n'umutekano kuko nibyo shingiro rya byose, ikihitirwa rero ni ukuyabagezaho kuko nibyo byafashe umwanya munini tubiganiraho."

Muri uyu mwiherero kandi baganirije ibiyanye no kubakira ubushobozi abajya mu butumwa bwa LONI bugamije kubungabunga amahoro n'umutekano,

buzabafasha kurinda neza abasiviri ndetse no kubagezaho ibikorwa by'iterambere n'imibereho myiza ahabonetse agahenge.

Ikindi bagarutseho ni uruhare rw'umupolisi w'umugore mu bikorwa byo kubungabunga amahoro n'umutekano, aho ngo usanga yitaakanahumuriza mu buryo bw'isanamitima abashegeshwe n'intambara n'amakimbirane, bagasaba ko umubare w'abagore wakongerwa cyane cyane mu bice bifite abaturage bakeneye ihumure kurenza abandi.

Umujyanama wa Polisi y'Umuryango w'Abibumbye Luis Carrilho yashimangiye ko kugeza ibikorwa kubo bigenewe (abaturage bifasha mu kubaka icyizere Polisi igirirwa no kugira uruhare mu bikorwa bigamije iterambere rirambye.)

Ati "Ibyo twemeranyije, tugiye kubishyira mu bikorwa kugira ngo duhindure imibereho y'abaturage dushinzwe kurinda, duharanire kubagarurira amahoro n'umutekano kandi dufashe za leta kubaka Polisi igire ubushobozi bwo kwirindira abaturage."

Umuryango w'abibumbye ushyira u Rwanda ku mwanya wa kabiri mu bihugu bitanga umusanzu mu bikorwa bya LONI byo kubungabunga amahoro n'umutekano, rukaza ku mwanya wa mbere mu koheresa abagore benshi ku Isi.

Polisi y'u Rwanda yasoje ibikorwa byo kubungabunga amahoro yakoreraga mu gihugu cya Haïti

Mu gitondo cyo ku cyumweru tariki ya 4 Kanama, ku kibuga cy'indege mpuzamahanga cya Kigali i Kanombe hageze itsinda ry'abapolisi 140 bavuye mu butumwa bw'amahoro mu gihugu cya Haïti (MINUSTAH) bazanywe n'indege y'Umuryango w'Abibumbye bayobowe n'umuyobozi wungirje w'iri tsinda Senior Superintendent of Police(SSP) Edward Kizza.

Iri tsinda rikaba ari irya cyenda (9) ari naryo rya nyuma risoje ubutumwa bw'Umuryango w'Abibumbye (LONI) bwo kubungabunga amahoro n'umutekano mu gihugu cya Haïti. Ubwo yakiraga aba bapolisi, umuvugizi wa Polisi y'u Rwanda Commissioner of Police (CP) John Bosco Kabera yabifurije ikaze mu Rwanda no muri Polisi y'u Rwanda by'umwihariko, abashimira uko bitwaye mu kazi n'uko bagakoze neza bagahesha ishema igihugu cyabatemye.

CP Kabera yanabashimiye kandi ubwitange, umurava, ubunyamwuga ndetse n'umuco wo gufasha abaturage ba Haïti byabaranzne ndetse n'igikorwa cyiza babatoje cy'umuganda, isuku n'isukura n'umuco wo kwigira.

Senior Superintendent of Police (SSP) Edward Kizza waje uyoboye iri tsinda yavuze ko mu gihe cy'umwaka bamaze mu butumwa bw'amahoro mu gihugu cya Haïti byageneze neza, cyane ko babanye neza n'abaturage ba Haïti. Yagize ati "Abaturage ba Haïti twabanye neza dukorana ibikorwa bitandukanye nk'umuganda, ibikorwa by'isuku n'isukura n'ibindi. Umutekano urahari nta kibazo gihari abaturage baho baratuje kandi bishimiye igihe cyose twabanye n'ibikorwa bitandukanye twabagejejeho."

SSP Kizza yavuze ko bimwe mu bikorwa itsinda ryabo ryakoze usibye kuba ryari rifite inshingano zihariye zo kurinda abasivili; banafashije insengero ebyiri haba mu buryo bwo kuzubaka no kuziha ibikoresho birimo intebé n'ibindi bitandukanye, banafashije ikigo nderabuzima bagiha imiti, banahaye kandi Gereza yitwa Jeremie amazi meza, banaha abagororwa imyenda yo kwambara n'ibyo kurya ndetse banaha bimwe mu bikoresho Polisi yo mu gace bakoreragamo bazajya bifashisha mu kazi kabo ka buri munsi.

Inspector Alice Bayera umwe muri iri tsinda rivuye mu butumwa bw'amahoro wari unahagarariye abapolisi kazi by'umwihariko, yavuze ko mu rwego rw'abagore bafashije abagore baho kuko hari ibibazo batashoboraga kubwira abagabo bakabibabwira bakabafasha kubikemura.

Yagize ati "Abagore baho baracyitinya, bumvaga ko akazi nk'aka twakoraga ari aka bagabo gusa, twagerageje kubigisha turabatinu, twabakanguriye kurwanya ihohoterwa rishingiye ku gitsina, tunabigisha no gukorera hamwe kubera ko babonaga dukorera hamwe bakatwishiira n'abo tubatoza kugira uwo muco."

Chief Sergeant Mapendo Claude nawe uvuve

mu butumwa bw'amahoro mu gihugu cya Haïti yavuze ko kuva Polisi y'u Rwanda yatangira kujya kubungabunga amahoro n'umutekano muri iki gihugu hari byinshi byahindutse. Ati "Ndashimira igihugu cyatwohereje mu butumwa bw'amahoro mu gihugu cya Haïti, inshingano badutumye zose twarazubahirje, mu by'ukuri kuva Polisi y'u Rwanda yatangira kujayo hari byinshi byahindutse mu gihugu cya Haïti, abapolisi baho basobanukiwe igipolisi cy'umwuga imikorere yacyo, twafashije abaturage baho mu bikorwa bitandukanye ikindi nk'uko igihugu cyacu kirangwa n'isuku nabo twarabibatoje."

Twabibus ta ko iri tsinda rya 9 ariryo risoje ubutumwa bw'amahoro muri Haïti, rikaba ryari rifite inshingano zihariye zo kurinda abasivili.

U Rwanda rwatangiye cohoreza abapolisi muri Haïti mu mwaka wa 2011. Aho abapolisi bagera 1360 aribo bamaze kujya muri ubu butumwa bw'Umuryango w'Abibumbye mu gihugu cya Haïti.

Ikindi aba bapolisi bakoze, batoje abaturage ba Haïti igikorwa cy'umuganda rusange ndetse n'umuco w'isuku n'isukura wo soko y'ubuzima bwiza.



Itsinda ry'abapolisi 140 basoje ubutumwa bw'amahoro mu gihugu cya Haïti (MINUSTAH) bakirwa ku kibuga mpuzamahanga cy'indege cya Kigali

Icuruzwa ry'abantu icyaha kigira ingaruka mbi k'ugikorewe no kugihugu cye



AIP C Rafiki

Uko iterambere rigenda ryiyongera niko ryadukana ibyaha bishya, muri byo harimo n'icuruzwa ry'abantu. Icyaha cy'icuruzwa ry'abantu ntigisanzwe mu muco nyarwanda kuko ubusanzwe umuntu si igicuruzwa, hari benshi mu banyarwanda batanasobanukiwe imiterere y'iki cyaha n'uko gikorwa.

Icuruzwa ry'abantu ni ibikorwa bihindura umuntu igicuruzwa bijyanye no gushakisha cyangwa kwimurira umuntu mu kindi gihugu cyangwa ahandi hantu hakoreshejwe uburiganya, ibikangisho, imbaraga cyangwa agahato, ububasha ubikora aba amufiteho akensi hagamijwe kumwangiriza ubuzima cyangwa kumubyaza inyungu zitemewe.

Abantu bagurishwa akensi bakoreshwu mu biterasoni nk'uburaya, ibikorwa binyuranyije n'amategeko bisa nk'ubucakara, iyicarubozo no kumukorera urugomo ndengakamere cyangwa ku mukoresha imirimbo yo mu rugo nk'umuja.

Usibye ibyo kandi, abantu bacurujwe bakurwamo bimwe mu bice bigize umubiri wabo bikajya gushyirwa mu bandi bantu, mu gihe nyamara nyirabyo atabanje kugishwa inama cyangwa ngo agire igitekerezzo abitangaho.

Ubucruzi bw'abantu bugira ingaruka k'ubukorewe no ku gihugu muri rusange

Ingaruka ni nyinshi haba ku mubiri w'umuntu, ku muryango nyarwanda ndetse no ku Gihugu.

Uwacurujwe akensi akorerwa ibikorwa bibabaza umubiri bigatuma agira ibikomere ku mubiri no ku mutima, kwishora mu biyobyabwenge bakaba imbata yabyo,

gutakaza icyizere n'ihungabana rikabije kandi rihoraho ndetse bamwe bagakurizamo urupfu.

K'urwego rw'ighugu n'umuryango nyarwanda, icuruzwa ry'abantu rituma habaho kubura abantu ari bo maboko yo gukorera igihugu n'umuryango wabo. Iki ni icyaha gitesha agaciro igihugu uwacurujwe aturukamo.

Mu Rwanda nta gihe kinini gishize humvikanye ubu bucruzi bw'abantu gusa burahari n'ubwo butarafata intera ndende.

Nyo mpamu Polisi y'u Rwanda ihora ikangurira abanyarwanda cyane cyane urubyiruko kwirinda umuntu uwo ariwe wese waza abizeza ibitangaza n'izindi ndonke agamije kubacruza.

Umuvgizi wa Polisi y'u Rwanda Commissioner of Police (CP) John Bosco Kabera arakangurira abaturarwanda kwirinda amayeri yose akoreshwa n'abanyaibaha bacruza abantu.

Yagize ati "Ubundi umuntu ukora ibyaha by'icuruzwa ry'abantu atangira yiyegeze uwo ashaka kujya kugurisha, hari ababikora bifashishije ikoranabunga rya murandasi (Internet), cyangwa bagahura amaso ku maso akamwizeza ibitangaza."

CP Kabera akomeza avuga ko abagiye guceruza abantu babizeza ibitangaza bahereye ku ntege nkeya z'uwo bagiye guceruza. Twavuga kubizeza amashuri meza yo hanze, akazi keza, kumushakira umugabo w'umunyamahanga w'umukire n'ibindi byinshi.

**"Ubundi umuntu ukora
ibyaha by'icuruzwa ry'abantu
atangira yiyegeze uwo
ashaka kujya kugurisha,
hari ababikora bifashishije
ikoranabunga rya murandasi
(Internet), cyangwa bagahura
amaso ku maso akamwizeza
ibitangaza."**

Ubu bucruzi bwibanda ku bana b'abakobwa bari mu kigero k'imyaka 15 kugeza kuri 30 kuko aribo baba bari mu bihe byo gushukika.

Mu minsi ishize hari amakuru yagaragaye avuga ko hari umwana w'umukobwa w'umunyarwanda wajyanywe mu gihugu cya Koweit, avuga ko yashutswe n'umuntu wo mu gihugu cya Kenya, amujiana amwizeza akazi muri icyo gihugu cya Koweit. Gusa akimara kugera yo yatunguve no gusanga ibyo yari yijewe kuzakora atari byo akoreshwa.

Ubu inzego z'umutekano zo mu Rwanda kubufatanye na Polisi mpuzamahanga barimo gukurikirana iki kibazo, harebwa uko uwo mwana yagarurwa mu gihugu cye.

Mu rwego two kurwanya ubu bucruzi, Polisi y'u Rwanda yafashe ingamba zitandukanye zirimo gukangurira abanyarwanda cyane cyane urubyiruko kwirinda gushaka gukira vuba batavunitse, gutahura no guhana abafatiwe mu bikorwa by'icuruzwa ry'abantu, Abanyarwanda kandi barakangurirwa gutangira amakuru ku gihe, gusobanurira abaturage uburyo icyo cyaha gikorwa ndetse no gukorana bya hafi n'ibindi bihugu n'imiryango mpuzamahanga mu kurwanya ubu bucruzi bw'abantu.

Itegeko rivuga ko umuntu wese utwara cyangwa utuma batwara, ufata cyangwa ufatisha, ufunga cyangwa ufungisha, utunda cyangwa utundisha abantu abo ari bo bose agamije kubahindura abacakara, kubagira abasabirizi ku gahato, kubabera umubyeyi utarababyaye mu buryo butemwe n'amategeko hakoreshejwe ikiguzi, kubakoresha mu mashusho y'urukozasoni, mu masiporo ateye ubwoba, kubashora mu ntambara, kubana na bo nk'umugore n'umugabo hagamijwe iyicarubozo cyangwa icuruzwa ry'ingingo z'imibir yabo.

Ahanishwa igifungo kuva ku myaka irindwi (7) kugeza ku myaka icumo (10) n'ihazabu y'amafaranga y'u Rwanda kuva kuri miliyoni eshanu (5.000.000) kugeza kuri miliyoni icumi (10.000.000).

Iyo habaye ku rwego mpuzamahanga uwakoze icyaha cyo guceruza abantu ahanishwa igifungo cy'imyaka cumi n'itanu (15) n'ihazabu y'amafaranga y'u Rwanda kuva kuri miliyoni icumi (10.000.000) kugeza kuri miliyoni makumyabiri (20.000.000).

Mu marushwana ya EAPCCO u Rwanda Rwegukanye imidali 46

Mu gitondo cyo ku wa 31 Kanama, umuyobozi wa Polisi y'u Rwanda IGP Dan Munyuza yitabiriye umuhango wo gusiza amarushanwa ya EAPCCO yaberaga muri Kenya. EAPCCO ni amarushanwa ahuzu amakipe atandukanye ya Polisi y'ibihugu byibumbiye mu muryango w'Iburasirazuba.

Aya marushanwa ya EAPCCO yatangiye tariki ya 28 Kanama, u Rwanda rukaba rwari ruhagarariwe n'amakipe 6 ariyo Police FC, Police HC, Karate, Taekwondo, gusiganwa ku maguru(Atletism) ndetse no kumasha.

Muri aya marushwana ikipe ya Polisi y'u Rwanda ikina umukino nijarugamba uwzi ku izina rya Karate yitwaye neza yegukana ibikombe bitatu (3) ndetse n'imidali (20), 12 ya Zahabu, 4 ya Feza(Silver) ni 4 y' Umulinga (Bronze). Muri yuu mukino, Polisi y'u Rwanda yari yaserukiwe n'amakipe abiri, abagabo n'abagore bose hamwe ari 13, muri rusange buri mukinnyi yashoboye kwegukana umudali.

Muri iri rushanwa abakobwa b'ikipe ya Polisi y'u Rwanda muri Karate begukanye ibikombe 2 harimo kimwe baherewe kwiyerekana neza (Kata) n'ikindi batsindiye nyuma yo kurwana (Kumi). Ni mu gihe mu bagabo habonetse igikombe kimwe bahembwe kubera kurwana neza.

Imidali 20 u Rwanda rwegukanye yahabwaga buri mukinnyi bitewe n'uko yitwaye mu itsinda ry'abo bari bahanganye, buri mukinnyi w'ikipe ya Police y'u Rwanda ya Karate akaba yarashoboye kubona umudali.

Ikipe ikina umukino w'amaboko (Polisi Handball Club) nayo yegukanye igikombe nyuma yo gutsinda ikipe y'igipolisi cy'Ighugu nya Kenya n'icya Uganda. Mu mukino ubanza iyi kipe ya Police HC yari yatsinze iyo mu gihugu nya Kenya ibitego 32 kuri 26, mu gitondo cyo kuwa 30 Kanama, Police HC y'u Rwanda itsinze nya Uganda ibitego 34 kuri 23.

Muri aya marashanwa kandi ikipe ya Taekwondo nayo yabashije kwitwara neza yegukana ibikombe 2 n'imidari 13 irimo 11 ya Zahabu na 2 ya Feza.

Mu mupira w'amaguru ikipe Police FC y'u Rwanda yegukanye umwanya wa 2. Mu mikino ngoramubiri Rwanda Police yegukanye umwanya wa 3 n' imidari 7 y' imiringa.

Muri rusange, muri aya marushanwa Polisi y'u Rwanda yegukanye umwanya wa kabiri mu mikino ya EAPCCO 2019 itwara ibikombe 6, n' imidari 46 harimo 27 ya Zahabu, 6 ya Feza na 13 y'imiringa.

Mu gusoza aya marushanwa, Minisitiri w'ingabo wa

Kenya Amb. Raychelle Omamo yagarutse ku kamaro k'amarushanwa ya EAPCCO by'umwihariko siporo ko ihaza abantu ikanorohereza ishyirwa mu bikorwa ry'amategeko mu kurwana ibibangamira iterambere, kwishyira ukizana n'imbereho myiza y'abaturage.

Yagize ati "Siporo ni kimwe mubihuza abantu, cyane inzezo z'umutekano mu guhana amakuru bakaba nk'ikipe imwe igamije kwita ku mutekano."

U Rwanda ruzakira irushanwa nya kane umwaka utaha w'imikino ya EAPCCO.

Amb. Omamo yavuze ko ibikorwa byose bya siporo bitegurwa, anaboneraho kwifuriza u Rwanda kuzitegura neza amarushanwa y'umwaka utaha.

Ati "Kwimakaza amahoro binyuze muri siporo. Turizera

ko ubutaha habaho amarushanwa ahuzu Ingabo na Polisi mu rwego rwo gufata ingamba n'aho gukorera nyaho mu kwita ku mutekano urambye nk'inkingi y'iterambere rirambye."

Umuyobozi wa EAPCCO, Lt. Gen. Adil Mohamed Ahmed Bashir akaba n'umuyobozi wa Polisi ya Sudani asanga iri huriro ry'ibi bihugu byibumbiye mu muryango wa EAPCCO rizakomeza kuzamura ingufu rikagera no ku nteto zaryo.

Yagize ati "Imikino iteza imbere imikoranire n'ubucuti mu by'umutekano ikanorohereza ababishinzwe mu kugira ubunraribonye, izamura urwego rw'imikoranire myiza hagati ya Polisi n'abaturage no kubahiriza

amategeko. EAPCCO iha agaciro cyane uku kwishyira hamwe mu rwego rwo gushaka inyungu rusange harwanywa ibyaha ndengampika."

Yongeyeho ati "Icyaha ntikigira umupaka, icyaha ni kibi ku rwego rw'Isi aho kigira ingaruka mbi nk'uko bikunze kugaragara. Nk'igisubizo, nkatwe ababishinzwe tugomba guhangana nabyo, imikoranire myiza niyo nzira yo kurwanya inzitizi hagati y'ibihugu na politiki binyuze mu kugenza ibyaha dushyigikirana mu rwego rwo kurwanya ibyo byaha byambukirana imipaka.

Aya marushanwa ari mu murongo wemejwe n'icyerecyezo cy'ubuyobozi bwa EAPCCO, mu nama ya 12 yabahuje mu mwaka wa 2007.



Muri iri rushanwa abakobwa b'ikipe ya Polisi y'u Rwanda muri Karate begukanye ibikombe 2 harimo kimwe baherewe kwiyerekana neza (Kata) n'ikindi batsindiye nyuma yo kurwana (Kumi)



Ikipe ya Taekwondo nayo yabashije kwitwara neza yegukana ibikombe 2 n'imidari 13 irimo 11 ya Zahabu na 2 ya Feza.



 @rwandapolice

 Rwanda National Police